



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Dvb. Vtrum Christus hanc scientiam suâ industriâ acquisiuerit? An verò à  
Deo acceperit ab initio conceptionis infusam.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

9  
Probatur  
sex Ratio-  
nibus.

Prima.

Secunda.

Tertia.

Quarta.

Quinta.

Sexta.

10  
Non est de  
Fide.

11  
In Christo  
fuit scien-  
tia acquisi-  
tio.

12  
Quidam  
concent  
Christum

Probatur Secundò ratione; Primo, Christus obibat munus Sacerdotij & Doctoris, propriè nō vt beatus, sed vt viator: ergo vt viator debebat esse instrūctus omni sapientia suis muneribus accommodatā; ac proinde habere cognitionem infusam omnium fidei mysteriorū. Secundò, Quia Christus ab initio fuit Caput omnium beatorum, etiam Angelorum: atqui beati habent hanc cognitionem infusam: ergo multò magis Christus. Tertiò, Decuit vt Christus esset perfectus omni modo sapientiae, cuius erat capax: atqui erat capax non solum cognitionis rerum in Verbo, sed etiam in proprio genere; quæ cognitio est magna perfectio supernaturalis, nullo modo repugnans cognitioni beatifice, sed illi potius connaturalis. Quartò, In Angelis præter cognitionē matutinam, quæ est cognitio rerum in Verbo, est etiam vespertina, quæ est cognitio rerum in proprio genere: & omnes beati habent hanc cognitionem: ergo multò magis Christus, qui supremum gradū beatitudinis obtinet. Quintò, Christus habuit aëtus liberos quoad exercitium amoris Dei, reuerentia, humilitas &c. ergo proponebat & apprehendebat Deum per aliquam aliam cognitionem distinctam à beata: nam quatenus apprehenditur per scientiam beatificā, necessariò amatur, colitur, & mens se illi submittit. Sextò, Christus in voluntate habuit omnes virtutes supernaturales ad perfectionem voluntatis pertinentes; vt ostensum est suprà q. 7. art. 2. ergo in intellectu habuit omnem cognitionem supernaturalem, id est, virtutem supernaturalem, quæ perficit intellectus.

Aduerte tamen, cfsi hæc sententia sit probabilissima, contraria tamen non est erronea, aut etiam temeraria: Nam quidam Doctores in 3. dist. 14. videntur hanc scientiam infusam supernaturalem negare, existimantes sufficere beatificam, & naturalem per accidens infusam. Ita D. Bonaventura, Scotus, Richardus. Et ex parte Gabriel cum Occamo, sed valde parum est probabilis.

#### ARTICVLVS IV.

##### Vtrum in Christo fuerit scientia Acquisita?

R Epondetur affirmatiuè. Probatur; quia alioqui intellectus agens, cuius munus est abstrahere species intelligibiles à phantasmatibus, fuisset in Christo otiosus. Notandum, certum est in Christo fuisse Scientiam aliquam acquisitam humana industria, eiusdem ordinis cum scientia nostra. Ita enim tenent omnes Doctores in 3. dist. 14. Sed est

#### D V B I V M.

##### Vtrum Christus hanc Scientiam suā i- dustrīa acquisuerit: An verò à Deo accepit ab initio Conceptionis infusam?

Q Vidam existimant Christum per proprios aëtus in ipso momento conceptionis totā hanc scientiam comparasse: tunc enim diuinā virtute habuisse ipsum omnium rerum naturalium phan-

tasmata, & ex illis elicuisse omnes species intelligibiles, quibus in eodem momento elicuerit perfectos actus omnium scientiarum. Sed hæc sententia non est probabilis, vt suprà q. 7. a. 2. dub. 4. sc̄ientiam diximus de virtutibus moralibus acquisitis; quia comparata non sunt ponenda huicmodi miracula sine necessitate.

Alij censent Christum in principio caruisse scientiā humanā; ed quod illi etati non sit debita. Vnde illam carentiam non censi ignorari, sed puram negationem: progressu vero etatis, sensim eam comparasse, ita ut in singulis etatibus, eam haberet perfectionem, quam tunc conveniebat habere. Ratio illorum est; tum, quia alioqui intellectus agens, frustre fuisset in Christo: tum, quia perfectius est habere hanc scientiam à se, quam ab alio; & habere eam modo nature accommodato, quam peregrino. Ita D. Thomas hic, cum Caietano, & Thomistis, & quibusdam alijs.

Sed Dicendum est, longè verius & probabilius esse, Christum ab initio conceptionis habuisse omnem hanc scientiam naturalem à Deo infusam; Sicut habuit Adam omnium iudicio, Ita communiter Doctores. Alexander Alenf. 3. p. q. 13. Bonaventura, Scotus, Durandus, Richardus, Gabriel, Paludanus in 3. dist. 14. & D. Thomas ibidem q. 3. §. Ad quintam questionem, idem tenet; Et in Questionib. de veritate q. 20. a. 2. quāmuis hæc sententiam mutari.

Probatur Primò, Ex Patribus suprà citatis q. 7. a. 12. d. 3. & hæc q. a. 1. qui cōmuni censu dicunt Christum non proscisse Sapientiā, nisi secundūm demonstrationem, & actum exteriore. Qod si verè acquisivit aliquam sapientiam, sicut nos; non erat necessarium confugere ad incrementum secundūm operationem: Nam proprijs simi in ipso habitu scientiæ profecisset.

Probatur Secundò, Ratione; Primo, Quia hæc scientia est summa perfectio naturalis animæ, nullo modo repugnat unione hypothaticæ, aut visioni beatificæ, aut statui viatoris, aut officio Redemptoris: ergo nullo modo decuit eam prætermitti. Confirmatur; Quia Patres cōmuni ter docent Verbum assumptam Animam in naturalibus perfectissimam.

Secundò, Quia Adam ab initio habuit omnem hanc scientiam: similiter Angeli, & beati. Ergo multò magis Anima Christi. Nec satisfacit quod ait Caietanus, Adamū fuisse principium generis humani quoad naturam, & idèo in naturalibus refellitur. Responsio Caietani: debuisse esse perfectum: Christum autem non fuisse principium naturæ, sed gratia & bonum supernaturale; & idèo debuisse tantum in supernaturalibus esse perfectum. Nam Christus erat etiam fons completionis bonorum naturalium: siquidem euerso statu innocentia, nemo sine auxilio gratiæ, totam legem nature seruare, aut omnem veritatem naturalem intelligere posset. Vnde etiam ipse hanc naturalem perfectionem omnino completam habere debebat, sicut & virtutes supernaturales: Nam ipse horum omnium per suam gratiam nobis est auctor.

Tertiò, longè perfectius & optabilius est habere omnem cognitionem à principio infusam, quam sensim suo labore comparare; prefertim cum accipiendo illam à Deo, non ab alio accepit quā à seipso. Vnde sicuti gratiam habuit ab initio,

initio, ita & hæc scientiam; quia non minus hæc scientia est ipsa naturalis, quam gratia. Sicut enim gratia dicitur Christo naturalis, quia debita natura humana sic Verbo vnitæ, & Verbum vi suâ contulit illam naturam assumptam; ita & hæc scientia naturalis dicitur, imò amplius, cùm sit perfectio naturalis humanae naturæ.

<sup>16</sup> Quartæ. Ab initio.   
 *Quæst. 10. De Scientia Beatae Animæ Christi. Art. 1.*

Quartæ. Si Christus illam studi comparare debuisset; sequeretur Primi, Multum laboris & temporis in eo ponendum fuisse. Nam hæc scientia, ex rerum quæ sub sensum cadunt, consideratione & collatione, mediante ratiocinatione dicitur: atqui non decet Christum cœlestium Doctorem, infirmarum rerum consideratione & investigatione occupari. Secundæ, Sequeretur ipsum per totam vitam non peruenire ad culmen huius scientie. Nam opus est longissimo tempore, ut quis omnia experientur: Christus autem non diu vixit, & interim pauca est expertus circa res naturales, v. g. genera animalium, plantarum, & eorum quæ in visceribus terre latent; quæ tamen experientia, id est, per sensus cognitione, necessaria est ut humano more scientia comparetur. Quod autem Caecilius infra quæst. 12. artic. 1. vult persuadere ministerio Angelorum res omnes ipsius sensibus obiectas, ut ex illis philosopharetur; parum est probabile. Præterea, multa sunt quæ agent observatione longissimi temporis; vt ea quæ pertinent ad Astrologiam. Denique discursus humanus maximè in Mathesi procedit in infinitum, ita ut sola industria humana non possit perueniri ad terminum.

Quintæ. <sup>17</sup> Quintæ. Quia Christus habuit virtutes morales ordinis naturalis infusa ab initio, ut supra dictum est, & D. Thomas fatetur: ergo etiam scientias naturales. Patet consequentia, quia non est ratio, cur voluntas debuerit potius in ordine naturæ esse perfecta, quam intellectus. Confirmatur, Quia cum virtutibus moralibus necessariò debuit infundi prudentia, quæ ad intellectum pertinet: atqui prudentia omnino perfecta, supponit perfectam cognitionem principiorum moralium, & eorumdem conclusiōnum; item perfectam cognitionem animæ humanae, & omnium eius motuum: ergo omnem hanc cognitionem naturalem habuit Christus à principio: ergo etiam ceteras scientias; præfer-

tim cùm una scientia non sit omnino perfecta si ne alia.

Denique, Quia Christus à principio conceptionis vtebatur ratione: ergo fuit optimè dispositus intellectu ad illum vsum; ac proinde per habitus scientiarum. Antecedens docet D. Augustinus lib. 2. De peccatorum meritis & remissionibus cap. 29. vbi ait in Christo infantie non fuisse impedimentum vsum rationis, quod in alijs parvulis cernitur. Cuius ratio est, quia tum ratione vniōnis, tum ratione beatitudinis, debebatur illi Animæ corpus ex omni parte perfectum: vnde non oportebat, vt admittentur in eo aliqui defectus, nisi quatenus id necessarium erat ad nostram redemptionem: atqui hic defectus corporis, quo impeditur vsum rationis, nullo modo erat necessarius ad nostram redemptionem, quin potius erat contrarius: ergo corpus infantile non impeditur vsum rationis, aut sensuum interiorum. Vnde sequitur, Christum infantem potuisse vti ratione, cum conuersione ad phantasmatum, id est, phantasiâ simul cooperante, & efformante id, quod ratio intelligebat. Nam facile poterant sensuum organa, diuinâ virtute corroborari ad hanc functionem; ita ut vis illa quæ deerat organis ob defectum siccitatis, diuino auxilio suppleretur. Sicut ad breue tempus accidit in Ioanne Baptista.

Nunc respondentum ad rationes contrarie sententie. Ad Primam, Eodem argumento probaretur, intellectum agentem fuisse supervacuum in Adamo; nam accepit à Deo omnes scientias, non autem operâ intellectus agentis; similiter & in omnibus parvulis qui moriuntur ante vsum rationis; nam nullam scientiam industria humana acquirent. Quare dicendum est, potentiam non esse superfluam, quæ ad naturæ integratatem pertinet, etiæ diuinitus præueniatur, vt numquam operetur. Addo; Intellectum agentem, non esse reipsa distinctum ab intellectu possibili, quo intelligimus: vnde licet non habeat illam functionem, quæ est species intelligibiles comparare, (quam operationem solum habet ob defectum naturæ) habet tamen functionem præcipuam, quæ est, scientiâ vti. Ad Secundam, Patet ex dictis in argumeto tertio; perfectius enim est habere ab initio, quam sensim suo labore comparare.

## Q V A E S T I O X.

### De Scientia Beatae Animæ Christi.

*In Quatuor Articulos diuisa.*

**N**ota, Ex dictis constare in Christo esse quadruplicem scientiam; scilicet Diuinam, Beatificam, Infusam, & Naturalem. Itaque agit de cuiusque perfectione; omnes enim in Christo fuerunt summae, & secundum intensionem, & secundum extensionem. Verum de scientia diuina, dictum est in 1. parte quæst. 14. vnde solum agit de reliquis tribus.

#### ARTCVLVS I.

*An Anima Christi comprehendenter Verbum?*

**R**espondetur; Anima Christi non comprehendit Verbum, sive diuinam essentiam. <sup>2</sup> Est certa, & communis omnium Doctorum. Vi- Negatur, G g detur